

修訂日期: 2009/04/23 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1200

原始資料: 蕭鎮國大德提供, 北美某大德提供

No. 1200

底哩三昧耶不動尊威怒王使者念誦法一卷

開府儀同三司特進試鴻臚卿肅國公食邑三千戶賜紫贈司空諡大鑒正號大廣智
大興善寺三藏沙門不空奉 詔譯

爾時釋迦牟尼佛。告執金剛菩薩言。我今為汝說無量神通無動使者。甚能利益成就一切事業。先洗心防患除諸亂想制心一處。先頂禮一切諸佛菩薩。懺悔等令三業清淨。然後作一切事業。若妄念闕法。師即犯三昧耶。應每日三時誦此明。即滅前所犯諸罪障明日。

曩莫薩底哩耶(四合)地尾(二合)迦喃(一)薩嚩怛陀(引)孽多喃(二)唵(三)微囉喃(四)摩訶斫羯囉(二合)嚩日哩(二合)薩多薩多(五)娑羅帝娑囉娑囉帝(六)怛囉異異尾陀摩儻(八)三畔闍儻(九)多囉摩底悉馱藥[口*(隸-木+士)]野(十一)怛嚩(二合)焰娑嚩(二合引)訶

若欲便易去。當誦次明七遍。以杵印護身五處。額兩肩心喉。頂上散之明日。

唵阿者邏迦曩戰拏娑馱耶吽吽

便易了。當洗淨。出已洗手漱口。即往精舍准前禮佛懺悔已。然清淨心合掌。以二大指按於額上。定意誦三昧耶明日。

曩莫薩嚩母地薩怛嚩(二合)喃曩莫蘇悉悌娑達儻阿藥[口*(隸-木+士)]迦嚩嚩嚩嚩嚩多異阿幡曳阿底莽[口*(隸-木+士)]曩莽素靚(二合)婆莽悉悌馱耶計鼻喻(二合)莽賀訖哩(二合)閉弊娑嚩(二合)訶

次以安隱明印護身。二小指內相叉於大指虎口中出。並豎二中指。二無名指於中指背。以二頭指各握無名指。豎二大指中指即成。明日。

曩莫三滿多沒馱喃唵賀囉賀囉莽賀彌儻多吽吽

行者次應淨其業障。洗除身心無始垢穢使得清淨。洗有二種。一內二外。內為於諸有情上。起慈悲喜捨四無量心清淨無我等觀。外者即以水洗令得清淨。即結三昧耶印誦三昧明。次即以杵印明除其垢穢。右手捻頭指甲上。餘三指散豎如金剛杵。明日。

唵阿者邏迦曩戰茶娑馱野吽吽

次說加持水土令清淨。用先洗腰已下及浴衣。并洗手漱口等。其印先合掌。屈二大指入掌中。攬水右轉。即土等亦爾。明日。

曩臭三滿多嚩日囉(二合)拏(去聲)怛囉(二合)吒阿母伽戰拏莽賀嚩沙(上)拏娑頗(二合)吒野吽吽怛囉(二合)娑野怛囉(二合)娑野吽怛囉(二合)吒哈[牟*含]

內外洗己身心清淨。行者次應結界。即以右手中已下三指。握大指為拳。直豎頭指。以印右轉即成結界。左轉成解界。亦成辟除。明日便成十方界。

唵吽莽賀四摩畔馱儻滿馱滿馱囉日囉(二合)唵日喇(二合)尼吽泮吒

次結被甲印。先合掌各屈頭指無名指入掌中。即揀開豎大小中指。等如三股金剛杵。是名無能勝金剛甲印明曰。

唵吽囉日囉(二合)莽曳囉日囉(二合)迦囉制斛(引)囉日囉(二合)吽泮吒

以印印五處成被甲已。然後隨意洗浴訖。次作灌頂印以左右無名指小指。相叉入掌中。便結為拳二中指直豎頭相柱。二頭指各押中指甲。二大指亦各捻無名指。即成灌頂印明曰。

曩莫悉底哩(二合)野地吠(二合)孽多(引)南薩囉怛他(引)孽多南紇喇(二合)設馱曩避也(二合)囉濕彌(二合)鼻曬鬪鼻誅者怛母(二合)努悌囉囉囉囉底(二合)末囉(二合)者隸娑囉(二合引)訶(引)

次又以甲印護身洗浴。著衣時誦此明曰。

唵吽娑(二合)吒野娑呬吽洛乞叉(二合)[牟*含]泮吒

次結金剛座印。以此印明加持住處。便成不可壞金剛地。即於此地想有金剛座。其印平舒兩手。仰掌向上。以右手押左手。誦此明曰。

唵吽囉日囉(二合)娑(引)儻鑊吽泮吒

即以如來所生印。於此金剛座。布列安置諸佛聖眾。以印加持。其印仰左右手指。內相叉結為拳。散豎二小指誦此明曰。

曩莫薩囉沒馱母地薩怛囉(二合)南阿(引)莽邏尾迦囉(二合)多帝爾儻阿囉逝娑囉(二合引)訶(引)

布置聖眾已。用如來所生印。想闕伽奉獻諸佛菩薩及佛頂等。若能常作此法供養念誦速得成就。復觀不動尊住於本位中。用前灌頂明印奉獻。即誦本明三七遍已。頂禮諸聖眾。即應用前結界印。左轉解所結界。又結三昧耶印已。即當定意起往精舍如常禮懺。至道場已。取杵印身五處除垢。如前結界加持本尊然後安坐。又以如來所生印。獻闕伽誦本尊明三七遍。如前灌頂法。供養本尊。即安坐自定身心。然後結牆等界。先結牆界。其印側二手。豎二小指側相拄。屈二無名指中指入掌中。曲二頭指。於中指側如鈎。二大指屈押頭指下節。以印頂上右三轉。即成不可壞金剛牆明曰。

唵吽囉日囉(二合)曼荼隸滿馱滿馱吽泮吒

次結金剛網印。先合掌屈二頭指二無名指。內相叉右押左。二大指二中指二小指。各頭拄揀開即成。以印於頂上右轉。便成金剛網明曰。

唵吽囉日囉(二合)薩囉(二合)步囉嚩慕吽泮吒

次結金剛火焰界。此火焰明以印加持威德。於金剛牆外四面上下。成大火聚光明。一切障不敢前進。其印二手相背。十指又如火焰明曰。

唵吽嚩日囉(二合)惹嚩(二合)隸吽泮吒

結界畢已。應加持飲食香花燈明等供養。其印合掌十指各微屈。令甲相指。以此印置所供養食等上。觸之。誦明七遍供養已。即能速滿一切成就。復應以此明印心定坐。想於世界中所有水陸所生諸雜花。及諸上妙花果樹。并諸山大海中珍寶摩尼異香等。如雲集來為供養。即誦妙伽他加持。定中為供養。伽他曰。

以我福德力	諸佛加持力
願此香花雲	遍滿諸佛刹
供養一切佛	及諸大菩薩
復應更思惟	陳其五供養
令福德增長	滿足悉地願
能成佛菩提	先說塗香明
供養佛功德	能除行者身
惡毒熱煩惱	業淨證菩提

明日。

曩摩悉底哩(二合)野那嚩(二合)孽多喃薩嚩怛他(引)孽多南阿三莽彥(引)度怛謎蘇彥(引)度怛謎蘇彥(引)

馱嚩底娑頗(二合)囉呬誡誡南莽(引)呼曩曳泥(去)尾薩嚩遏(二合)娑馱彌娑嚩(二合引)訶

次說花供養	福資於行者
三世諸垢穢	悉淨無有餘
佛果當剋證	皆由此福業

明日。

曩摩悉底哩(二合)野娜嚩(二合)孽多(引)南薩嚩怛他(引)孽多南訶(引)嚩路枳多(二合)莽賀布瑟波(二合)嚩磨娑嚩(二合引)訶(引)

次說焚香福	能使此加持
業障煩惱盡	行者修福業
遠聞他方便	悉來共加持
法身香氣雲	遍滿十方界

供養佛菩薩

明日。

曩摩悉底哩(三合)野娜嚩(二合)孽多(引)南(引)薩嚩怛他(引)孽多南唵阿孽哩(二合)始棄始棄度莽始棄度莽始棄娑嚩(二合引)訶(引)

次說飲食明	供養佛功德
能使於行者	速證三脫門
永離三苦縛	常資於慧命

圓滿證三身

明日。

曩摩悉底哩(三合)野娜嚩(二合)孽多(引)南薩嚩怛他(引)孽多(引)南唵嚩隣曩馱思莽賀
嚩里娑嚩(二合引)訶

次說燈供養	功德力莊嚴
能令於行者	念誦速成就
如意菩提果	光明遍法界
能破三界中	一切諸眾生
無明業煩惱	

明日。

曩摩悉底哩(三合)野娜嚩(二合)孽多(引)南薩嚩怛他(引)孽多(引)南阿孽帝日囉(二合)
藍帝儻[鼻*也]儒底始棄娑嚩(二合引)訶

上說五供養	塗花焚食燈
其明各八遍	能令供養物
如雲遍法界	復應更加持
令此供養具	以明加威力
能成真實物	供養諸聖眾
散施諸有情	皆得實受用
誦此明八遍	以此加持力
滿檀波羅蜜	

明日。

曩莫薩嚩沒馱[日/月]地薩怛嚩(二合)南薩嚩他欠烏那(二合)誡帝娑頗(二合)囉呬[牟*含]
]誡誡曩劍娑嚩(二合引)訶

復應更思惟	發於真實願
即作如是言	以我修行福
令此諸妙供	遍至十方界
一切聖眾前	願受此微供
誦明加持之	便成真實福

明日。

曩摩薩嚩沒馱[日/月]地薩怛囉(二合)南薩嚩怛囉(二合)僧句素彌多鼻惹囉始吠曩麼
素覩(二合)帝娑嚩(二合引)訶(引)

次應更結不動尊根本印。即誦本明三遍。能令聖者歡喜加持速得願滿。爾時行者復應更當諦心思惟。外財所捨恐是輕微。今應更當捨自內財所有身命。供養諸佛菩薩聖眾。即應發願作如是言。伏願諸聖眾與我作大護加持。常攝受。如是三白請。聖眾

不違願。便即懺諸罪。

無始十惡業 願皆盡銷滅
復應更迴向 今我所修善
念誦諸功德 迴與諸有情
迴向菩提果 誦此明加持
令願不虛發 其明誦八遍

明日。

曩摩薩嚩沒馱[日/月]地薩怛嚩(二合)南曩謨素覩(二合)帝莽賀嚩日囉吡薩嚩吡蹬迦
囉底瑟佉(二合)薩[口*栗]謎(二合)囉麼(二合)怛囉(二合)薩[口*栗]謎(二合)殺達摩拏莽地瑟佉
(二合)舒娑嚩(二合引)訶(引)

次應更當結前灌頂印。誦明自灌頂已。次結虛空眼印。護自身及護本尊。其印虛
心合掌。屈二頭指頭至中指第一節。二大指並豎即成。誦此明日。

曩摩悉底哩(二合)野娜嚩(二合)拏孽帝[鼻*也]薩嚩怛佉(引)孽多[鼻*也]唵誡誡曩者儻
誡誡三摩薩嚩覩嚩(二合)誡多底娑囉三婆吠入嚩(二合)囉曩謨阿伽南娑嚩(二合引)訶

誦明結印護身訖。即仰開此印。向上如捧狀。便成捧念珠印。即誦此明。用加持
念誦速成就明日。

曩謨嚩日囉(二合)目契薩嚩怛他(引)槃帝毘庾(二合)婆誡鑊持嚩(二合)毘藥(二合)怛儻
也(二合)他矯唎彥馱唎戰茶里麼蹬祇賓(引)誡里怛他(引)孽多微曳(二合)使多荼底吽入嚩
(二合)里多帝逝伊能迦囉焰句嚩(二合)娑嚩(二合)訶

次結法界生印。自加持令諸障不生。其印以左右頭指二無名指。屈入於掌中面相
鉤。豎二大指二中指二相。頭相拄開。以印按左臂。次右至頂上散。每按處誦此明一
遍明日。

曩莫薩嚩沒馱胃地薩怛嚩(二合)南阿(引)薩嚩他薩嚩怛囉(二合)路計娑嚩(二合引)訶(引
)

次即更當結前虛空眼印誦明七遍(亦名部心)誦已即當諦觀。諸佛菩薩歷然滿空。本
尊聖眾親對在己目前。安心定意兩手執持念珠。當心徐念誦。乃至疲極遍數任意。每
日三時念誦不令間斷。遍數至極下少不得下於一百八遍。念誦數訖已。即誦虛空眼明
加持。結護念珠置於本處。次即却結根印誦百字明。加持自身令速成就明日。

唵阿三麼三麼三曼多覩娜多(去)怛嚩必底(二合)舍薩儻賀囉賀囉娑麼(二合)囉拏娑麼
(二合)拏微餓多沒馱達摩帝娑羅娑羅。三麼嚩囉荷囉荷囉怛囉(二合)野怛囉(二合)
野伽那伽那摩賀末擺[口*洛]乞叉(二合)儻入嚩(二合)囉入嚩(二合)囉那娑伽[口*(隸-木+士
)]娑嚩(二合)訶(引)

誦百字加持已。復當想前所觀本尊諸佛聖眾歷然。攝受於我在己目前。即應更陳
前諸種種廣大供養。空中所見一切聖眾供養畢已。復應更當至心迴向發願。作如是言

願我所修行 一切諸善業
念誦加持力 迴施諸有情
出離三界苦 速證於菩提
迴向發願已

即應結前所結諸界印。左轉即便解已。復結前灌頂印。豎二小指頭相拄。即誦燈焰如來明。以印左轉之。一切諸聖眾各歸本淨土明曰。

曩莫悉底哩(三合)野娜嚩(二合)努誑多南唵紇哩(二合)

次結前三昧耶。頂禮諸聖眾。起出於道場。轉讀摩訶衍花嚴等經典。任意自經行。行者若自喫飯食及諸藥物。當即以此明加持食。誦明八遍然後取喫障者不能為害明曰。

曩麼薩嚩沒馱[日/月]地薩怛嚩(二合)南(引)唵嚩(引)藍娜泥帝儒莽利儻娑嚩(二合引)訶
行者若能常修行供養。應每日喫飯食茶藥等。皆留少殘置一別器中。即結聖者本劍印。加持食上誦明七遍。送置淨處至心供養之。其印右手作金剛拳。直並申頭二指。大指。無名指甲側。加持上明曰。

曩莫三滿多嚩日囉(二合)拏(去)怛囉(二合)吒阿目伽戰拏摩訶嚩殺拏娑頗(二合)吒野吽
怛囉(二合)麼野怛囉(二合)麼野吽怛囉(二合)吒哈[牟*含]

所用飲食供養聖者。此尊本願。大悲捨身奉侍一切持誦者。身如奴僕現無一目相。受此殘食供養。行者若每食之時心不忘者。我當晝夜常隨擁護。不令諸魔毘那夜迦作諸障難。令不隨意速滿成就。行者若夜分寢息時。即當先結淨室莊嚴印。先彎左手背。持按心上。後彎右手。於右手上掌相合。舉印置頂上。便分開二手。順身下摩。當誦此明曰。

曩麼悉底哩(二合)野娜嚩(二合)努誑多南薩嚩怛他(引)孽多南摩賀三麼(引)野孽帝三麼孽囉(二合)麼麼他孽囉(二合)麼怛囉路計計達麼馱嚩(二合)店多僧伽諦娑嚩(二合引)訶

淨加持已。即合掌長舒兩臂。於頂上。向東方面著地。亦舒二足至心作禮。禮時觀想一切諸佛菩薩各在本刹。作是念言。我今捨此身為奴僕。供養奉侍一切佛。唯願攝受哀愍於我。作最上成就。如是三白已。然後隨意寢息。常念明相作速起意。又不動尊法品云。佛言不動使者。能利益成就一切事業。行者若欲修行作諸法者。先行法誦十萬遍已。即於月八日或十五日。一日一夜大作供養。於像前以苦練一千八枚和酥燒。一誦取一枚。燒滿一千八遍已。後所作法皆得成就。行者所有言說。人皆敬重無敢違者。若欲縛撲問事策使崩摧任意皆應。又於月蝕日。取未著地牛糞。塗曼荼羅隨其大小。於其壇上散種種雜花。壇中置大般若經夾。取純色牘子母牛酥一匝置熟銅椀中。取佉陀羅木如齒木大長十二指攪之。於道場前如持念誦不限遍數。令三相現。蝕畢即止。又於山峯上塗壇斷食念誦滿十萬遍。即見地中一切諸伏藏。

又法取乳續續投火中。護摩念誦滿一千遍。能除疫病。

又取俱屢草和酥乳蜜等。沃火中燒十萬遍。能除大疫病。

又法取蓮華和酥酪蜜。沃火中燒誦十萬遍。蓮華吉祥天女等能與滿願。

又臨河海口入水至胸誦三十萬遍得尾沙耶。

又取雜花擲火中燒。隨花色得衣。燒五穀子。得穀米隨意受用。又取尾羅嚙(二合)木。擲火中燒念誦十萬遍。即得囉闍王愛敬。

又取必哩商隅木。擲火中燒。能令一切人敬愛。燒齒木。即得無量僕從。燒大麥即為長者。已上念誦各滿十萬遍。次說畫不動尊像法以好淨[疊*毛]畫不動尊。著赤土色裙。左垂辮髮髻。眼斜視。左手執劍右手執索。坐寶蓮華。蹙眉面瞋相。作降三世狀。如是畫已。將此像於河海岸上。如法塗壇安像。行者亦著赤色衣。心不染著寂靜安心乞食為活。即於像前念誦五十萬遍已。即於夜中取詹末一萬段。一誦一擲一擲火中燒之。滿已即不動尊自現其身。滿行者願所作皆得成就。行者自身為如來使者。證三摩地共諸菩薩同位。

又欲得降伏一切惡人者。取尸陀林帛畫不動尊。以自己血淡作像色。像置西向。行者東面坐念誦。每日三時洗浴著濕衣。於像前誦滿十萬遍已。即一切所作皆隨成就。仍每日施一切鬼神食。

又法黑月八日夜。於寒林中取母耶摩奴沙。坐其上念誦滿一萬遍。彼摩奴沙即動耳。必不得怕。彼便開口出大開敷蓮華。即便把取。能令己身如十六童子。髮如蓮環。昇空遊於梵天。得大明王主。又於像前每日三時念誦。隨力供養燒沈水香。如是供養滿於六月。至心不斷即得尾沙耶至。

又法欲令他軍陣破散者。加持自軍旌一十遍。執出在軍前。彼軍陣破散退走。

又法欲禁他軍陣眾令不動者。於自旌上畫不動尊。四面四臂身作黃色。上下出牙作大忿怒瞋怖畏狀。遍身火光作天兵勢。行者以旌示彼軍眾。復想聖者以羈索縛彼兵眾。即彼軍眾盡不能動。

又法欲令他軍眾自鬪諍退散者。取老鴟鴞鼻鴿毛。誦明加持擲火中燒滿一千遍。彼軍眾即自相鬪諍。

又法欲令捨靚嚙終亡者。取稻糠誦明加持擲火中燒。又想彼捨靚嚙。被使者以索縛。將向南方悶苦吐血而終。彼等族類。皆不得痊一無存在。

又法欲令他軍主終亡者。取鹽土蠟苦練葉。和擣為泥。作彼形狀置於地上。誦明加持斫斷。彼即終。

又法欲令他軍貧窮絕糧者。取稻穀加持彼即貧矣。

又法欲令他軍降伏來者。即結不動尊眼印。作瞋怒聲稱吽字。想聖者使諸鬼神捉縛將來。彼即自降。

又法欲令大愛樂者。以七鹽作彼形狀。段段斷之念誦滿七日。彼即愛樂。

又取俱蘇摩花燒誦明十萬遍。得藥叉女來。於三事中所求皆得。又取曼陀羅花。稱彼人名加持。即令荒亂。又取鹽加持燒。即得天女來所使隨意。又加持安悉香燒。即得王臣憶念。又說畫像法。中畫釋迦牟尼佛。左畫曼殊童子。右畫執金剛菩薩。作微笑面手執金剛杵。於執金剛下畫不動尊。種種莊嚴。即於像前誦五十萬遍。然後作一切事業皆得隨意。

又法取燒屍灰誦明七遍與彼人即得愛樂。

又法取牛黃加持七遍。點己額上。能令眾人所見皆生敬重。毘那夜迦不能損害熾盛成就。又於己身上布明梵字。彼羅剎眾諸作障者。百由巡內皆悉退散。

又法若人被蛇咬。經六月不差。誦明加持。於其臂上畫劍契。立差。

又法畫律迦大蛇。纏劍上。劍圍遶畫火焰。誦明加持滿一千遍。以示病者即自下語。若誦加持病者一百八遍。即常蒙聖者擁護。若每日加持殘食置淨處。供養使者常如願。

又法若惡雨。行者瞋怒心大聲稱吽字。惡雲退散。又取棘刺。和羅視迦油加持擲火中燒。能止大雨。亦令行者成大結護。亦成就一切事業。

又法畫不動尊著赤土色衣。左垂辮髮眼斜視。童子形。右手執金剛杵當心。左手執寶棒。眼微赤坐蓮花上。瞋怒相遍身火焰。於像前結所愛樂印念誦。一切皆得成就。依前念誦。昇空隱形一切愛樂事。皆隨意成就。若無畫像。獨處閑靜或於寺中。或在山窟離雜鬧處。求一切事法皆亦成就。

又法加持瘧病令自縛下語。又加持鏡。於中聖者現問事皆語。又取一童子或童女。令淨洗浴著鮮淨衣置道場中。召請聖者入道場加持。被此童子問一切事皆得。

又法若欲成就繫迦囉法者。於白月一日日中時。於像前著種種香花供養。不歇誦明一百八遍。想念壇中一切諸佛菩薩攝受。每日如是念誦滿一月。又取苦練木香。又取遏迦木以酥塗上。和白芥子加持擲火中燒。從戌至子乃至寅時。繫迦囉即來語行者言。使我作何事。行者攝受。已後常隨行者意所使。隨順供給所須飲食齒木淨水等。常在左右。乃至使往上天取天女。亦即將來。

又更說根本印明等。其根本印。以二中指內相叉為鉤。二頭指側相拄。二大指各捻自無名指甲上明曰。

曩麼三曼多嚩日囉(二合)拏(去)吽尾吉哩(二合)多尾迦囉麼賀畢[口*(隸-木+土)](二合)多已瑟佉(二合)契怒始瑟佉(二合)賀囉案怛囉(二合)麼囉馱囉者咄囉目佉入嚩(二合)邏比路囉墮計舍吽嚩日囉(二合)孽囉(二合)吽泮吒(半音)

次說心印。以二小指二無名指內相叉。二中指豎頭相拄。二頭指於中指復曲如鉤。二大指並捻中指中節明曰。

曩麼三曼多嚩日囉(二合)拏怛囉(二合)吒阿母伽戰拏摩賀嚕殺拏娑頗(二合)吒野吽怛囉(二合)麼野怛囉(二合)麼野吽怛囉(二合)吒哈[牟*含]

次說劍印。左手大指。捻無名指小指甲。直頭中二指。右手頭中二指。入左掌中。握以為拳。右無名小二指大指捻其甲上。又云左頭指屈。捻大指如環明曰。

唵娜者邏加拏沒馱制吒迦吽吽佉佉伊能魚哩(二合)呬[牟*含]賀喇尾沙索鉢多(二合)惡紇哩(二合)賀泮吒阿哩野(二合)者邏阿孽車緊旨囉夜思伊(引)能迦(引)哩野(二合)句嚕曩麼娑嚩(二合)訶(引)

次說金剛杵印。以右手大指。捻頭指甲如環。散開餘三指亦名成就一切事業印明曰。

曩莫三曼多嚩日囉(二合引)拏唵婀者邏迦(引)者嚕娑(引)馱野吽[口*半]吒

次說寶山印。以兩手十指內相叉。合結為拳。

次說頭印。左手以四指握大指。為拳置頭上。

次說垂辮髮髮印。以二無名指內相叉。豎二中指頭側合。二頭指各捻中指甲上。二大指入無名指小指間。甲相背合。二小指合而豎以印置頭在角上即成。又用此印。翻頭向內到垂。置額上。便成聖者眼印。

次說口印。以二小指內相交。以二無名指握之。二中指側相拄。二頭指各捻中指甲。二大指向外並直豎置口上。

次說甲印。合印合掌二頭指二無名指背相著。二大指二中指二小指合而揀開。

次說師子奮迅印。先合。以無名二指屈入掌中背相著。二頭指於中指後屈如鉤。二大指二小指各並直向外申。即起作頻申無熱。遶壇行道。

次說火焰印。右手大指屈。押中指餘三指。直豎頭拄右掌心。右手五指散開。

次說制火焰印。二手各為拳。二大指於頭指間出頭。拳相合。

次說商佉印。以二小指內相交。二中指二無名指頭相拄。左頭指直申附中指背。右頭指屈捻中指上節。二大指各捻無名指。從寶山以下諸印。取本部中所愛樂明。加持用之必驗成就。

次說索印。二手各作金剛拳。各豎頭指。右頭指內入左掌中握之。豎印當心誦加持明曰。

曩麼三曼多嚩日囉(二合)拏阿波舍伴闍曩吽泮吒

底哩三昧耶不動尊威怒王使者念誦法一卷